

東國通鑑
二

Digitized by the Internet Archive
in 2011 with funding from
C. V. Starr East Asian Library, UC-Berkeley

東國通鑑卷之三

三國紀

新羅

高勾麗

百濟

甲子

漢中平元年新羅阿達羅王三十一年代休
王元年高勾麗故國川王六年百濟省古王

十九年春三月新羅王阿達羅薨無嗣國人立

脫解王孫伐休為王王占風雲預知水旱豐

儉又能知人邪正人謂之聖○漢遼東太守

伐高勾麗王遣弟屬須拒之不克王親帥精

騎與戰於坐原敗之殺獲甚衆

漢中平二年新羅代休王二年高勾麗
故國川王七年百濟省古王二十年春二

丑乙



二十九冊

通鑑

東國

丙寅

丁卯

戊辰

己巳

月新羅拜波珎食仇道一吉飡仇須兮為左
右軍主伐召文國

漢中平三年新羅伐休王三年高勾麗
故國川王八年百濟省古王二十一年春正

月新羅王巡州郡觀風俗

漢中平四年新羅伐休王四年高勾麗
故國川王九年百濟省古王二十二年春三

月新羅令州郡無作土木之事以奪農時

漢中平五年新羅伐休王五年高勾麗
故國川王十年百濟省古王二十三年春可

濟攻新羅昇山城王命波珎食仇道拒之

漢中平六年新羅伐休王六年高勾麗
故國川王十一年百濟省古王二十四年秋

七月新羅仇道與百濟戰狗壤敗之殺獲五

新羅伐休王高勾麗故國川王百濟省古王

庚午

百餘級

漢獻帝初平元年新羅代休王七生高勾麗故國川王十二年百濟肖古王二十五年

秋八月百濟襲新羅西境圓山鄉進圍缶谷

城將軍仇道帥勁騎五百拒之百濟兵佯退

仇道追至蛙山百濟兵還擊人敗之王以仇

道失策貶為缶谷城主以薛支為左軍主

漢初平二年新羅伐休王八年高勾麗故國川王十三年百濟肖古王二十六年夏

四月高勾麗左可慮等叛伏誅初中畏大夫

沛者於畀留評者左可慮皆以外戚執國柄

多行不義其子弟並恃勢驕侈掠人子女奪

人田宅國人怨憤王怒欲誅之左可慮等與
四祿那謀叛至是聚衆攻王都王徵畿內兵
討平之○高勾麗聘處士乙巳素爲國相王
既誅左可慮等令曰近者官以寵授位非德
進毒流百姓動我王家此寡人不明所致汝
四部其各舉賢良在下者於是共舉東都晏
留王徵之委以國政晏留言於王曰徵臣庸
愚固不足以參大政西鴨綠谷左勿村有乙
巳素者性質剛毅智慮淵深不見用於世力
田自給大王欲理國非此人不可王甲辭重

禮以聘之拜中畏大夫加爵為于台謂曰孤
叨承先業處臣民之上德薄材短未濟於理
先生藏用晦明窮處草澤者久矣今不我棄
幡然而來非獨孤之喜幸社稷生民之福也
何以教寡人巴素對曰以臣之駑蹇不敢當
命願大王選賢良授高官以成大業王知巴
素薄其位乃除國相大臣宗戚皆疾之王曰
苟不從國相者無貴賤皆族之巴素感其知
遇明政教慎賞罰人民以安內外無事○冬
十月高句麗王謂晏留曰向非子孤不能得

恐有不虞遂執延優手入宮翌日矯遺命立
之葬王于故國川原○高勾麗殺岐請師于
遼東討延優不克自殺于氏之立延優也殺
岐大怒以兵圍王宮呼曰兄死弟及禮也汝
越次篡位大罪也宜速出不然則誅及妻孥
延優閉門三日國人又無從殺岐者殺岐知
事不濟以妻子奔遼東見太守公孫度曰殺
岐高勾麗王男武之母弟男武死無嗣殺岐
之弟延優與嫂于氏通篡大位以廢天倫是
用憤恚來投上國願假兵以平亂公孫度從

之來伐高勾麗延優弟麴頌將兵禦之漢兵
大敗發此語麴頌曰汝全忍害老兄乎麴頌
曰延優不以國讓兄雖曰非義兄亦以一時
之憤欲滅宗國抑何義耶身沒之後何面目
見先人於地下乎發此不勝慙悔奔至裴川
自刎死麴頌哀哭收其屍殯葬而還王語麴
頌曰發此謀伐宗國罪莫大焉今爾縱而不
殺足矣及哭之哀其謂寡人為無道乎麴頌
泣曰臣請一言而死王后雖以先王遺命立
大主大王不以禮讓之曾無兄弟友于之義

臣欲成大王之義故收屍殯之今反怒為大
王若不廢懿親以兄禮葬之孰謂不義乎臣
既言之請受誅王前席慰諭曰寡人不肖不
能無惑今聞子言我誠過矣願子無責秋九
月命有司奉迎我岐之喪以王禮葬於裴嶺
○高勾麗王延優立于氏為后

擢近曰配匹之際人倫之本正教之端也
故婚姻之禮正然後閨門正而邦國治教
化行而風俗美此周之二南所以為萬世
法也今于氏以王嫡妃王薨不感秘不發

喪夜奔其弟弑岐謀立為後弑岐以禮辭
而遣之苟有人心宜於此焉變矣尚不慙
悔又奔延優與俱入宮矯命立之延優溺
於利而忘其恥乃立為妃其行甚於晁天
理泯矣人道滅矣以是而居民上國之不
亡幸矣

臣等按衛風之墻茨桑中鶉奔偕老諸詩
何為而作也曰刺宣姜也何為而刺之曰
宣公卒宣姜通於庶子頑淫穢狎褻蕩無
禮義人道絕矣衛人鄙之反覆譏刺至于

三至于四而不已也墻茨之一章曰中冓
之言不可道也二章曰不可詳也三章曰
不可讀也蓋其姜與頑淫荒放縱污蔑閨
門是不可置人牙頰况可詳之讀之乎今
于氏之罪浮於宣姜者五王薨曾未屬纊
無哀戚哭泣之色旋起淫亂之心秘不發
喪罪一也古者婦人傳姆不在宵不下堂
况以王后之尊乘夜獨奔不自遠嫌罪二
也與延優飲酒食肉得肆奸淫瀆亂天常
罪三也穀岐居長當立以私愛立延優盜

新羅奈解王商勾壘山上王百濟省古三

竊神器罪四也前日為前王之后今日為
後王之后以一身而再為國母頑深無恥
罪五也唐武后曾事太宗楊妃已配壽王
矣而高宗明皇先起聚麀之心新臺之念
武氏楊妃雖不得無罪猶末減耳今于氏
以陰先陽以婦乘夫亂男女之別逆陰陽
之道拂天地之紀曾鸛鵲之不如也況負
此五罪天下古今穢行惡德特一人而已
又豈宣姜楊武而止耶嗚呼羞惡之心義
之端也于氏之歿自知失節乃曰無面目

見國壤於地下則人心天理未嘗泯滅當
延優冊后之時有一忠臣義士力陳不可
而沮止之則名正言順小可以得伸大義
矣惜乎其不爾也既舉于氏之罪則延優
之惡不待貶絕而自著矣

漢建安三年新羅奈解王三年高勾麗
山上王二年百濟肖古王三十三年春二

月高勾麗築九都城

漢建安四年新羅奈解王四年高勾麗
山上王三年百濟肖古王三十四年春三

月駕洛國王首露卒壽百五十八子居登立

漢建安六年新羅奈解王六年高勾麗
山上王五年百濟肖古王三十六年春二

新羅奈解王高勾麗山上王百濟肖古王

月加耶國請和于新羅

漢建安八年新羅奈解王八年高勾麗
山上王七年百濟肖古王三十八年

春三

月高勾麗王以無嗣禱於山川是月十五夜
夢天謂曰令汝少后生男勿憂王覺語羣臣
曰夢天語我諄諄如此奈無少后何巴素對
曰天命不可測王其待之○秋八月高勾麗
國相乙巴素率國人哭之慟王以高優婁為
國相

臣等按

故國川王麗之良主也舉巴素於

草廬之中置之百僚之上言聽計行其志

將欲共理國家為宗社萬世計也故國薨
逝死肉未冷于氏淫穢延優竊位其罪惡
上通天地人人之所共誅者也發歧既拒
于氏而發兵討之真義舉也已素為上相
宜率國人唱以大義執于氏延優至故國
拒前數其罪賜之死而立發歧則名正言
順而大事定矣顧乃助延優拒發歧使之
間關奔竄僑寓他國遂至隕命已失大臣
扶顛持危之責及延優立于氏為后瀆亂
綱常天下古今之大變又不能諫止之終

身立於上初食延優之粟孔子曰鄙夫

可與事君也然我巴素之謂矣

漢建安九年新羅奈解王九年高勾麗
山上王八年百濟肖古王三十九年秋七

月百濟攻新羅腰車城拔之殺其城主薛夫

新羅王怒命王子利音將六部精兵六千伐

百濟破沙峴城

漢建安十二年新羅奈解王十二年高勾麗
山上王十一年百濟肖古王四十二年春

正月新羅以利音為伊伐喰無知內外兵馬

事

漢建安十三年新羅奈解王十三年高勾麗
山上王五十二年百濟肖古王四十二年夏

四月倭侵新羅遣利音將兵拒之○冬十一月高句麗郊豕逸掌者追之至酒桶村躑躅不能獲有一女年二十許美而艷笑而前執之然後追者得之王聞而異之微行夜至女家欲御之女曰王命不敢避幸而有子願不見遺王曰諾

臣等按麗王延優上蒸于后魯禽犢之不
如也今又挺身微行宣淫於村巷小妾戲
侮嫖嫖如匹夫薄行者之所為復使醜穢
失節之于氏行淫妬會無羞惡之心甚

矣延優之無道也前日有鹿聚之行汚蟻
閨門今日恣鴟奔之欲荒淫間井滅絕綱
常蕩無禮義千載之下孰不唾罵而嗤鄙
之乎甚矣延優之無道也

漢建安十四年新羅奈解王十四年高句秋
羅山上王十三年百濟肖古王十四年

七月浦上八國謀侵加羅加羅王子請救於
新羅王命太子于老及利音將六部兵往救
之擊殺八國將軍奪所虜六千人還之是役
也有勿稽子者功最大以見忌利音不見錄
人曰子功大而不見錄怨乎曰何怨之有曰

蓋聞之於王曰矜功求名志士所不為也但當勵志待時而已○九月高句麗王子郊玁生先是王后于氏妬酒桶女陰遣兵士殺之女男服而逃兵士追及欲害之女曰殺我王命乎今妾有娠殺妾可也殺王子可乎兵士不敢害后愈怒必欲殺之王聞有娠復至女家詰之對曰妾平生不與兄弟同席况敢近異姓男子乎今在腹實大王之遺體也王喜贈與甚厚后竟不害至是生男王喜曰此天賚子嗣胤也以因郊而得名之曰郊玁立

其女為小初下尼之母方娠卜之巫曰必
生王后及生名曰后女○冬十月高句麗移
都丸都

漢建安十五年新羅奈解王十五年高句麗
山上王十四年百濟肖古王四十五年春

二月百濟築赤峴沙道二城移東部民也○
冬十月靺鞨攻百濟沙道城不克焚城門而
遁

漢建安十七年新羅奈解王十七年高句麗
山上王十六年百濟肖古王四十七年春

三月加耶王送子質新羅○骨浦淩浦古浦
三國攻新羅竭火城王率兵救之大破三國

之師勿稽予斬獲數十餘級及論功又不見
錄語婦曰嘗聞為臣之道見危致命臨難忘
身忠也前日浦上竭火之役可謂危且難矣
而不能致命忘身聞於人不忠也既以不忠
而仕君累及先人可謂孝乎既失忠孝將何
面目出市朝乎遂被髮携琴入師薤山不返
漢建安十八年新羅奈解王十八年高句麗
王十八年百濟肖古王四十八年春
正月高句麗王立子郊薤為太子後改名憂
位居

漢建安十九年新羅奈解王十九年高句麗
王十八年百濟肖古王四十九年仇首
新羅奈解王高句麗王百濟肖古王

年元秋九月百濟王命北部真果領兵一千

襲取靺鞨石門城冬十月靺鞨以勁騎侵百

濟至于述川○百濟王肖古薨元子仇首立

漢建安二十一年新羅奈解王二十一年秋高句麗山上王二十一年百濟仇首王三年

八月靺鞨圍百濟赤峴城城主固拒賊退王

帥勁騎八百追之戰沙道城下破之殺獲甚

衆

漢建安二十二年新羅奈解王二十二年高句麗山上王二十一年百濟仇首王四年

春二月百濟設二柵於沙道城側東西相距

十里分赤峴城率戍之○秋八月漢平州人

戊戌

庚子

壬寅

夏瑤以一千餘家投高勾麗王納之置柵城

漢建安二十三年新羅奈解王二十三年高勾麗山上王二十二年百濟仇首王五年

秋七月新羅武庫兵自動○百濟遣兵圍新

羅獐山城王親率兵出擊大敗之

魏文帝黃初元年新羅奈解王二十五年高勾麗山上王二十四年百濟仇首王七年

春三月新羅伊伐喰利音率以忠萱代之

魏黃初三年新羅奈解王二十七年高勾麗山上王二十六年百濟仇首王九年

十月百濟遣兵入新羅牛頭鎮抄掠民戶伊

伐喰忠萱領兵五千逆戰於熊谷為百濟所

敗單騎而返貶為鎮主以連城為伊伐喰無

新羅奈解王高勾麗山上王百濟仇首王

知兵馬事

魏黃初五年新羅奈解王二十九年高句麗山上王二十八年百濟仇首王十一年秋

七月新羅遣伊伐飡連珎與百濟戰烽山下

破之殺獲千餘級

魏明帝太和元年新羅奈解王三十二年高句麗山上王三十一年東川王元年百濟仇首王十

四年夏五月高句麗王延優薨葬山上陵

太子憂位居立性寬仁王后欲試王心候王

出遊使人截王路馬鬣王還曰馬無鬣可憐

又令侍者進食陽覆羹於衣王亦不怒

魏太和二年新羅奈解王三十三年高句麗東川王三年百濟仇首王十五年春三

月高勾麗王尊于氏為王太后

魏太和三年新羅素解王三十四年高冬韎

韎入百濟牛谷界奪掠人物王遣精兵三百

拒之韎韎伏兵夾擊大敗之

魏太和四年新羅素解王三十五年助貢王元年高勾麗東川王四年百濟仇首王十七

年春三月新羅王奈解薨遺命以其婿助貢

為嗣助貢伐林王太子骨正之子也○高勾

麗國相高優婁牟以子台明臨於漱為國相

魏太和五年新羅助貢王二年高勾麗東川王五年百濟仇首王十八年秋七月

新羅以伊飡昔子老為大將軍討破甘文國

新羅助貢王高勾麗東川王百濟古余

癸丑

甲寅

以其地為郡

魏青龍元年新羅助賁王四年高句麗東川王七年百濟仇首王二十年夏五月

倭寇新羅東邊伊飡于老戰于沙道乘風縱

火焚戰艦賊赴水死盡

魏青龍二年新羅助賁王五年高句麗東川王八年百濟仇首王二十一年古余王元年

魏遣使高句麗和親○秋九月高句麗太后

于氏薨太后將死言曰妾失節將何面目見

國壤於地下乎若羣臣不忍棄諸溝壑則請

葬我於山上王陵側遂葬之國壤降於巫曰

予見于氏歸山上不勝憤恚遂與之戰而顏

丙辰

厚羞見國人爾告於朝以物遮我於是植松
七重於陵前國壤即國川也○百濟王仇首
薨元子沙伴嗣幼不慧不能為政國人以肖
古王母弟古示為賢立之

魏青龍四年新羅助賁王七年高句麗東川王十年百濟古尔王三年春二月

骨伐國主阿音夫率衆降于新羅王賜田宅
以其地為郡○吳王孫權遣胡衛通和于高
句麗王斬其使傳首於魏○冬十月百濟王
獵西海大島手射鹿四十

捕近曰蒐狩之禮所以為民除害也然其

新羅助賁王高句麗東川王百濟古尔王

好生愛物之心亦所不忍故制為禮制使
不敢過焉易曰王用三驅失前禽禮曰天
子不合圍諸侯不掩羣大夫不麇邠士不
覆巢蓋不欲并包而多取也以御則逐禽
左者蓋不欲詭而多獲也以射則天子殺
下大綏諸侯殺下小綏亦不欲久畋而多
殺也故成湯祝網開其三面其仁至矣濟
王以國君之尊曠廢庶政越風濤之險觸
嚙楫之危多殺不忌誇示射御之能侈然
自肆而不知其為非也其仁心亡矣吁人

不可無仁心也大夫士亦不敢多取况人
君乎傳曰馳騁田獵令人心發狂可不戒
哉

魏景初元年新羅助賁王八年高勾
麗東川王十一年百濟古介王四年秋高勾

麗遣使如魏賀改元

魏景初二年新羅助賁王九年高勾
麗東川王十二年百濟古介王五年春二月

百濟王田於釜山五旬乃返○高勾麗王遣

主簿大加將兵千人助魏太傅司馬懿討公

孫淵

魏帝芳正始元年新羅助賁王十一年高
勾麗東川王十四年百濟古介王七年春

新羅助賁王高勾麗東川王百濟古介王

百濟遣兵侵新羅西鄙○夏四月百濟以真

忠為左將委以內外兵馬事○秋七月百濟

王大閱於石川

魏正始三年新羅助賁王十三年高句麗東川王十六年百濟助賁王十九年高句

麗王遣將襲破遼東西安平

魏正始四年新羅助賁王十四年高句麗東川王十七年百濟助賁王二十一年春正

月高句麗王立子然弗為太子救

魏正始五年新羅助賁王十五年高句麗東川王十八年百濟助賁王二十一年春正

月新羅以伊飡于老為舒弗邯蕪知兵馬事

魏正始六年新羅助賁王十六年高句麗東川王十九年百濟助賁王二十二年冬十

月高勾麗侵新羅北邊于老将兵出擊之不
克退保馬頭柵時天寒于老躬行勞問手燒
薪暖之士卒感喜如挾纊

魏正始七年新羅助賁王十七年高勾麗
麗東川王二十年百濟古尔王十三年秋八

月魏遣幽州刺史毋丘儉將萬人與樂浪太
守劉茂朔方太守王遵出玄菟侵高勾麗王
將少騎二萬逆戰於沸流水上敗之斬首三
千餘級又引兵戰於梁貊谷敗之斬獲三千
餘級王謂諸將曰魏之大兵反不如我之小
兵毋丘儉魏之名將今日命在我掌握乃領

鐵騎五千進擊之儉為方陣死戰麗軍大潰
死者萬八千餘人王以千餘騎奔鴨綠原時
百濟王垂樂浪虛遣左將真忠襲取邊民茂
怒百濟王恐見討還其民口○冬十月毋丘
儉攻陷高句麗九都城屠之王出奔儉遣將
軍王頌追之王欲奔南沃沮至竹嶺軍士散
盡唯東部密友獨在側謂王曰今追兵甚迫
勢不可脫臣請決死禦之王可遯矣遂募死
士與之赴敵力戰王間行得脫去依山谷聚
散卒自衛謂曰若有能得密友者厚賞之下

部劉屋勾往戰地見密友什地負而至王枕
以股久而乃蘇王間行轉輾至南沃沮魏軍
追不止王計窮不知所為東部人紐由進曰
勢甚危迫不可徒死臣有愚計請往犒魏軍
因伺隙刺殺其將若愚計得成王可奮擊決
勝矣王曰諾紐由入魏軍詐降曰寡君獲罪
大國逃至海濱將請降歸死司寇先遣小臣
致不腆之物為從者羞魏將聞之將受其降
紐由藏刀食器刺魏將胸與之俱死魏軍遂
亂王分軍為三道急擊之魏軍不能陣而退

新羅助賁王高句麗東川王百濟占今王

新羅助貢王高句麗德赤川王百濟豆牟子

二復國論功以密友紐由為第一賜密友臣
谷青木谷賜屋勾鴨綠杜訥河原為食邑贈
紐由為九使者又以其子多優為大使者初
麗人得來見王侵叛中國數諫王不從嘆曰
立見此地將生蓬蒿遂不食死儉令諸軍不
壞其墓不伐其樹得其妻子皆放遣

臣等按傳曰以小事大者畏天者也畏天
者保其國麗之為國於中國最近王不度
德量力屢舉侵伐其失保國之道甚矣得
來之忠言不見納至使抱恨以終其懷諫

自賢可知也已且小敵之強大敵之禽虜
乘魏兵不虞驟勝輒驕兵不自戢蓋兵猶
火也不戢必自焚理勢固然王之竄身失
國都城見屠皆自作之孽焉可追也嗚呼
夫差不納子胥之忠而麋鹿遊姑蘇東川
不聽得來之諫而蓬蒿生九都自古人君
不納批鱗之忠逆耳之言肆行無忌靡有
不喪身亡國者後之為人君者寧不於此
而省鑑乎

魏正始八年新羅助賁王十一年八百濟古
年高句麗東川王二十一年八百濟古

年^四齊二月高句麗王以九都城經亂不可復
都築平壤城移都焉○百濟以真忠為右輔
真勿為左將委以兵馬事○夏五月新羅王
助賁薨母弟沾解立○秋七月新羅王謁始
祖廟封父骨正為立神葛文王

金富弼曰漢宣帝即位有司奏為人後者
為之子也故降其父母不得祭尊祖之義
也是以帝既生父稱親謚曰悼母曰悼后
比諸侯王此合經義為萬世法故後漢光
武帝宋英宗法而行之新羅自王親入繼

大統之君無不追王其父非特如此而已
封其外舅者亦有之此非禮固不可以為
法也

魏正始九年新羅沾解王二年高勾麗東川
王二十二年中川王元年百濟古尔王十五

秋九月高勾麗王憂位居薨太子然弗立
葬王於東川王之薨國人懷德莫不哀傷近
臣欲自殺以殉者衆王以為非禮禁之及葬
至墓自死者甚多國人伐柴以覆其屍遂名
其地曰柴原○冬十月高勾麗立掾氏為王
后○百濟民饑殺倉販恤復一年租調

嘉平元年新羅站解王三年高句
中川王二年百濟古尔王十六年春新羅

遣于老將兵討沙梁伐國一云滅之以其貳

於百濟也○夏四月倭寇新羅殺于老初倭

使葛耶古聘新羅王使于老擯之于老戲言

早晚以汝王為藍奴王妃為爨婢倭主聞之

遣將軍子道朱君來侵王出居于柚村于老

曰今日之寇由臣言致之臣請當之遂抵倭

軍曰前日之言戲之耳豈意興師至此耶倭

人執之積薪燒殺之乃去後倭使來聘于老

之妻請於王私饗之及其醉使人執而焚之

倭怒來攻金城不克引去

權近曰金富軾以謂于老為時大臣掌軍
國事戰之必克不克亦不至敗則其謀策
必有過人者矣然以一言之悖致兩國交
兵以取身死樞機之不可不慎如此其妻
能不忘讎必欲報之有足嘉矣然徒欲報
其私怨敢殺來使又致兩國之交兵當時
君臣不能禁於未然亦不得辭其責矣

臣等按惟口出好興戎不可不慎也于老
以一言之失構釁小醜召兵速禍喪身辱

國固不足多責矣抑羅之君臣所失亦多
倭以遽興忿兵直造國都此正門庭之寇
利用禦之者乃聽于老單騎赴敵使賊得
以快心焚炙于老雖有失言之罪國之動
威大臣係國家重輕者也委諸賊手而莫
之救其失一也大臣見殺於敵其為國家
之恥大矣是宜興師問罪勦巢覆穴則庶
可報于老之讎雪前日之恥伸大國之威
矣而當時未聞征討之舉其失二也如或
度勢相時力有所不逮兵有所不加則固

當絕其聘問拒其來使不與之相好可也
今乃捨當討之罪而猶待以交隣之禮其
失三也倭使之來于老之妾私饗醉殺為
所夫報復在于老之妻則有足多者矣因
一婦人而殺其信使如國體何其失四也
遇一機會而有此四失將何以脩內治而
禦外侮乎自是兵連禍結外寇益熾未必
不由於今日處置失宜之致然也

魏嘉平三年新羅沾解王五年高句麗中川王四年百濟古余王八年春正月

新羅王始聽政於南堂以夫道為阿飡委以

新羅沾解王高句麗中川王百濟古余王

物藏庫中務夫道漢祗部人工書筭○夏四月
高句麗王殺夫人貫那初貫那顏色佳麗
髮長九尺王愛之將立為小后王后掾氏恐
其專寵言於王曰妾聞西魏求長髮購以千
金昔我先王不致禮於中國被兵出奔殆喪
宗社今王遣一介行李以進長髮美人則彼
必欣納無復侵伐王默然貫那懼反讒后於
王曰后常罵妾曰田舍女何得至此若不自
歸必有後悔意者后欲伺大王之出加害於
妾如之何後王獵于箕丘而還貫那將韋囊

酉癸

亥乙

寅茂

迎哭曰后欲以此盛姦投諸海願大王賜姦
微命得返於家王知其詐怒謂貫那曰汝要

入海乎遂盛革囊投之西海

魏嘉平五年新羅沾解王七年高句麗中川王六年百濟古余王二十年秋九月

駕洛國王居登牟子麻品立

魏帝髦正元二年新羅沾解王九年高句麗中川王八年百濟古余王二十二年秋

九月百濟侵新羅王遣一伐食翊宗逆戰於

槐谷西翊宗兵敗死之○冬高句麗王立子

藥盧為太子赦國內

魏甘露三年新羅沾解王十二年高句麗中川王十一年百濟古余王二十五年春

新羅沾解王高句麗中川王百濟古余王

韓鞠長羅渴獻良馬十匹于百濟王優勞使

者以還之

魏甘露四年新羅沾解王十三年高句麗
中川王十二年百濟古余王二十六年冬

十二月高句麗王攻于杜訥谷魏將尉遲楷
將兵來伐王簡精騎五千戰於梁貊谷敗之
斬首八千餘級

魏元帝景元元年新羅沾解王十四年高句
麗中川王十三年百濟古余王二十七年

春正月百濟置內臣佐平掌宣納事內頭佐

平掌庫藏事內法佐平掌禮儀事衛上佐平

掌宿衛兵事朝廷佐平掌刑獄事兵官佐平

掌外兵馬事又置達率恩率德率杆率奈率
及將德施德固德季德對德文督武督佐軍
振武克虞六佐平並一品達率二品恩率三
品德率四品杆率五品奈率六品將德七品
施德八品固德九品季德十品對德十一品
文督十二品武督十三品佐軍十四品振武
十五品克虞十六品○二月百濟令六品以
上服紫以銀花飾冠十一品以上服緋十六
品以上服青○夏新羅大雨山崩四十餘所
○秋七月新羅有星孛于東方二十五日而

已平

滅

魏景元二年新羅沾解王十五年高勾麗春
中川王十四年百濟古尔王二十八年

正月百濟王始服紫大袖袍青錦袴金花飾
烏羅冠素皮帶烏革履坐南堂聽事○百濟
以真可為內頭佐平優豆為內法佐平高壽
為衛士佐平昆奴為朝廷佐平惟已為兵官
佐平○三月百濟遣使新羅請和不從○冬
十二月新羅王沾解薨助賁王之婿金味鄒
立初昔脫解得金閼智於鷄林養於宮中後
拜為大輔閼智生勢漢勢漢生阿道阿道生

首留首留生郁甫郁甫生仇道仇道生味鄒
助賁王以其女妻之至是薨無嗣國人立以
為王

魏景元三年新羅味鄒王元年高勾麗春正
中川王十五年百濟古尔王二十九年

月百濟立犯賊之禁凡官人受財及盜者三

倍徵賊禁錮終身

魏景元四年新羅味鄒王二年高勾麗春二
中川王十六年百濟古尔王三十年

月新羅王親祀國祖廟大赦追封父仇道為

葛文王

魏咸熙元年新羅味鄒王三年高勾麗春三
中川王十七年百濟古尔王三十一年

新羅沽解王高勾麗中川王百濟古尔王

漢

戊子

庚寅

月新羅王幸黃山問高年及貧不能自存者

賑恤之

晉武帝泰始二年新羅味鄒王五年高勾麗中川王十九年百濟古余王三十三年秋

八月百濟攻新羅峰山城城主直宣率壯士

二百人擊走之王以直宣為一宮領厚賞士

率

晉泰始四年新羅味鄒王七年高勾麗中川王二十一年百濟古余王三十五年新

羅自春不雨至于夏王會羣臣於南堂親問

政刑得失又遣使五人巡問百姓疾苦

晉泰始六年新羅味鄒王九年高勾麗中川王二十三年西川王元年百濟古余王三十

辛卯

丙申

壬戌

戊戌

七年冬十月高勾麗王然弗薨太子藥盧立葬

王於中川原藥盧性聰悟而仁國人愛之

晉泰始七年新羅味鄰王十年高勾麗王正西川王二年百濟古尔王三十七年

月高勾麗立于氏為后西部大使者救之女

也

晉泰始八年新羅味鄰王十一年高勾麗西川王三年百濟古尔王三十九年春二


月新羅令凡有害農事者一切除之


晉咸寧二年新羅味鄰王十五年高勾麗西川王七年百濟古尔王四十二年春一


月新羅臣僚請改作宮室王重勞民不從

晉咸寧四年新羅味鄰王十七年高勾麗西川王九年百濟古尔王四十五年冬上

新羅味鄰王高勾麗西川王百濟古尔王







勾麗

晉惠帝元康元年新羅儒禮王八年高句麗西川王二十二年百濟責稽王六年春

正月新羅以末仇為伊伐飡常訪問政要○

二月駕洛國王麻品卒子居叱彌立

晉元康二年新羅儒禮王九年高句麗西川王二十三年烽上王元年百濟責稽王七年

春高勾麗王藥盧薨太子相夫立葬王於西

川○三月高勾麗王相夫殺其叔父安國君

達賈相夫幼驕逸多猜忌達賈在諸父之行

有大功業國人所倚望惡而殺之國人曰梁

貊肅慎之難微安國君吾能免乎無不涕泣

相吊

權近曰積善積惡殃慶各以類至子孫之
受其報者莫不由祖父而馴致之也高勾
罍王藥盧嘗以疑忌殺其二弟不善之積
甚矣故其薨也體未及寒其子相夫方在
衰絰而殺其叔父甫及期年又殺其弟是
真所謂其父攘雞而其子劫人於市者也
相夫暴矣不足責矣史稱藥盧聰悟而仁
國人愛之是不可謂無仁心也然外示小
惠以悅於人內懷殘忍以戕同氣其志慘

於鏌鋹矣故其餘殃延及後世寵弟愛子
死於相夫而相夫又死於倉助利得免於
身蓋亦幸矣

晉元康三年新羅儒禮王十年高勾麗
麗降上王二年百濟責稽王八年春二月

新羅改築沙道城移沙伐州豪民八十餘家
實之○秋八月慕容廆侵高勾麗王欲往新
城避之行至鵠林慕容廆引兵追之將及王
懼時新城宰北部小兄高奴子以五百騎迎
王遇廆軍奮擊敗之王喜加奴子爵大兄賜
鵠林為食邑○九月高勾麗王相夫殺其弟

咄固王謂咄固有異心賜死國人知其無罪
慟惜之咄固子乙弗出遊於野

晉元康四年新羅儒禮王十一年高夏倭人
勾麗烽上王三年百濟責稽王九年

攻新羅長峯城不克○秋九月高勾麗國相

尚婁卒以南都大使者倉助利為國相進爵

大主簿

晉元康五年新羅儒禮王十二年高春新羅
勾麗烽上王四年百濟責稽王十年

王謂羣臣曰倭人屢犯我城邑百姓不得安

居吾欲與百濟共擊之如何弘權對曰我軍

不習水戰冒險遠征恐有不測之危况百濟

新羅儒禮下高勾麗烽上王百濟責稽下

多詐常有吞噬之心恐難與同事王曰善

晉元康六年新羅儒禮王十三年高勾麗
麗烽上王五年百濟責稽王十一年秋八

月慕容廆侵高勾麗至故國原見西川王塚
使人發之役者有暴死者亦聞壙內有樂聲
恐有神乃引退王謂羣臣曰慕容氏兵馬精
強屢犯我疆場為之奈何倉助利對曰北部
大兄高奴子賢且勇大王若欲禦寇安民非
奴子無可者王以奴子為新城太守奴子善
政有威聲慕容廆不復來侵

晉元康七年新羅儒禮王十四年高勾
麗烽上王六年百濟責稽王十二年伊西

古國攻新羅金城甚急新羅舉兵禦之不能
克忽有異兵大至人皆珥竹葉助羅軍擊賊
破之竟不知其所歸人或見竹葉數萬積於
味鄒王陵前國人謂先王以異兵陰助克捷
因號陵曰竹長

臣宗按

馬韓已於新莽始建國元年為百

濟所滅而復於漢延光元年與高句麗滅
貊侵遼東伊西已於漢建武十八年為新
羅所滅而復於晉元康七年攻新羅金城
豈皆滅而復起者耶

戊午

晉元康八年新羅儒禮王十五年基臨王元年
高勾麗烽上王七年百濟責稽王十三年
份西王秋漢與貊人侵百濟百濟王責稽出
元年

樂為敵兵所害長子汾西立○高勾麗王增
營宮室頗極侈麗民飢且困羣臣驟諫不從
○冬十月高勾麗王相夫欲殺咄固之子乙
弗索之不得○新羅王賜印觀署調二人爵
印觀賣綿於市署調以穀買之而還忽有為
攬綿墮印觀家印觀取歸市謂署調曰為墮
汝綿於吾家今還汝綿署調曰為攬綿與汝
天也吾何受為印觀曰然則還汝穀署調曰

吾與汝市已二日穀已屬汝固辭不受二人相讓并棄於市而歸掌市官以聞王並賜爵

○十二月新羅王儒禮薨助賁王孫基臨立

晉元康九年新羅基臨王二年高勾麗上王八年百濟汾西王二年秋九月

高勾麗寇哭于烽山○冬十二月高勾麗雷

地震


晉永康元年新羅基臨王三年高勾麗上王九年美川王元年百濟汾西王三年春


正月新羅與倭國交聘○二月新羅王巡比


列忽親問高年及貧窮者賜穀有差三月至

牛頭州望祭太白山樂浪帶方兩國來服○

新羅基臨王高勾麗上王百濟汾西王







庚午

諸子皆幼國人以仇首王之子比流久在民間寬慈愛人共立之

晉懷帝永嘉四年新羅基臨王十三年訖解王元年高勾麗美川王十一年百濟比流王

七年夏五月新羅王基臨薨無嗣羣臣以角干

于老之子訖解幼有老成之德共推立之于

老嘗曰訖解狀貌俊異心膽明敏異於常流

與吾家者必此兒也

辛未

晉永嘉五年新羅訖解王二年高勾麗美川王十二年百濟比流王八年秋八月

高勾麗遣將襲取遼東西安平

壬申

晉永嘉六年新羅訖解王三年高勾麗美川王十二年百濟比流王九年春二月

百濟發使巡問百姓疾苦其鰥寡孤獨不能
自存者賜穀人三石○三月倭遣使請婚於
新羅以阿食急利女送之

臣等按春秋之法父母之讎不共戴天今
王于老之子于老嘗見殺於倭奴則王之
於倭奴有不共之讎包羞忍恥匿怨忘親
輕以許嫁何耶魯莊之於齊襄有父之讎
方居苦塊無時焉可通也而當其身棄怨
釋仇或主婚或盟或會或狩大失子道故
春秋備書于策詳加譏貶以著忘親之罪

甲子

戊子

己卯

今王雖欲辭魯莊之罪得乎嗚呼夫差夷狄之君也猶不忘越王之殺其父出入之省終必報復而後乃已今王非特春秋罪人抑亦夫差之罪人歟

晉愍帝建興二年新羅訖解王五年高句麗美川王十五年百濟比流王十一年春

正月高句麗立王子斯由為太子

晉元帝太興元年新羅訖解王九年高句麗美川王十九年百濟比流王十五年春

二月新羅王今日向因旱災年不順成今則

土膏脉起農事方始凡勞民之事一皆停之

晉太興二年新羅訖解王十年高句麗美川王二十年百濟比流王十六年冬十

二月晉平州刺史崔懿來奔高句麗初懿陰說高句麗及段氏宇文氏使共攻慕容廆三國進攻棘城廆閉門自守獨以牛酒犒宇文氏二國疑宇文氏與廆有謀各引兵歸宇文大人悉獨官曰二國雖歸吾當獨取之廆使其子號與長史裴嶷將精銳為前鋒自將大兵繼之悉獨官大敗僅以身免懿聞之使其兄子燾詣棘城偽賀廆臨之以兵燾懼首服廆乃遣燾歸謂懿曰降者上策走者下策引兵隨之必與數十騎棄家奔高句麗其衆悉

降將虜虜以其子仁鎮遼東官府市里按堵
如故高勾麗將如孥據于河城虜遣將軍張
統掩擊擒之俘其衆千餘家歸于棘城高勾
麗王數遣兵侵遼東虜遣慕容翰慕容仁伐
之高勾麗王求盟翰仁乃還

晉大興三年新羅龍解王十一年高勾麗秋
美川王二十一年百濟北流王十七年

八月百濟王築射臺於宮西每朔望習射○

冬十二月高勾麗侵遼東慕容仁拒戰敗之

晉大興四年新羅龍解王十二年高勾麗春
美川王二十二年百濟北流王十八年

正月百濟以王庶弟優福為內臣佐平○秋

丁亥

庚寅

辛卯

七月百濟太白晝見

晉成帝咸和二年新羅訖解王二十八年高句麗美川王三十八年百濟比流王二十四年

秋九月百濟內臣佐平優福據北漢城叛王

殺兵討之

晉咸和五年新羅訖解王二十一年高句麗美川王三十一年百濟比流王二十七年

新羅始開碧骨池岸長一千八百步○高句

麗遣使後趙致牾矢

晉咸和六年新羅訖解王二十二年高句麗美川王三十二年故國原王元年百濟比流

王二十八年春二月高句麗王乙弗薨太子斯由

立改名釗葬王于美川原

新羅訖解王高句麗故國原王百濟比流王

乙未

丙申

丁亥

戊子

晉咸和九年新羅訖解王二十五年高句麗故國原王四年百濟比流王三十一年秋

八月高句麗增築平壤城

晉咸康元年新羅訖解王二十六年高句麗故國原王五年百濟比流王三十二年春

正月高句麗築國北新城

晉咸康二年新羅訖解王二十七年高句麗故國原王六年百濟比流王三十三年春

高句麗遣使朝晉

晉咸康五年新羅訖解王三十年高句麗故國原王九年百濟比流王三十六年燕

王號侵高句麗至新城高句麗王乞盟乃還

晉咸康六年新羅訖解王三十一年高句麗故國原王十年百濟比流王三十七年高

句麗遣世子如燕

晉咸康八年新羅訖解王三十三年高勾麗故國原王十二年百濟比流王三十九年

春二月高勾麗修葺丸都城又築國內城秋

八月移居丸都城○冬十月燕王皝攻陷高

勾麗丸都城虜王毋王妃歸先是皝遷都龍

城建威將軍慕容翰請先取高勾麗後滅宇

文然後中原可圖高勾麗有二道其北道平

闊南道險狹衆欲從北道翰曰虜以常情料

之必謂大軍從北道當重北而輕南王宜率

銳兵從南道擊之出其不意丸都不足取也

別遣偏師出北道縱有蹉跌其腹心已潰四

新羅訖解王高勾麗故國原王百濟比流王

支無能為也。孰從之。十一月，孰自將勁兵四萬出南道，以慕容翰、慕容霸為前鋒，別遣長史王寓等將兵萬五千出北道。王遣弟武帥精兵五萬拒北道，自帥羸兵以備南道。翰等先至，戰，孰以大衆繼之。麗兵大敗。左長史韓壽斬麗將阿佛和度，加諸軍乘勝遂入九都王單騎走入斷熊谷。將軍慕容廆追獲王母周氏及王妃而歸。會王寓等戰於北道，皆敗沒。由是孰不復窮追，遣使招王。王不出。孰將還。韓壽曰：「高句麗之地不可戍守，今主亡，民

散潜伏山谷大軍既去必復鳩聚收其餘燼
猶足為患請載其父尸因其生母而歸俟其
束身自歸然後返之撫以恩信策之上也孰
從之發美州王墓載其尸收其府庫累世之
寶虜男女五萬餘口燒其宮室毀凡都城而
還

東國通鑑卷之三

東國通鑑卷之四

三國紀

新羅

高勾麗

白濟

癸卯

晉康帝建元元年新羅訖解王三十四年高勾麗故國原王十三年百濟比流王四十二年

春二月高勾麗王遣其弟朝燕稱臣貢珍異

以千數燕王號乃還其父尸猶留其母為質

○秋七月高勾麗移居平壤東黃城城在西

京東木覓山中○高勾麗遣使朝晉

甲辰

晉建元二年新羅訖解王三十五年高勾麗故國原王十四年百濟比流王四十一年

年王元春二月倭遣使新羅請婚不報○冬十

月百濟王比流薨汾西王長子契王立

晉穆帝永和元年新羅訖解王三十六年春高句麗故國原王十五年百濟契王二年

正月新羅以康世為伊伐喰○二月倭移書

新羅絕交○冬十月燕王鮑使慕容恪攻高

句麗拔南蘇置戍而還

晉永和二年新羅訖解王三十七年高句麗故國原王十六年百濟契王三年近肖古王

元年秋七月駕洛國王居叱彌牟子伊尸品立

○九月百濟王契王薨比流王第二子近肖

古立○倭寇新羅風島進圍金城急王欲出

兵擊之伊伐喰康世曰賊遠至其鋒不可當

新羅訖解王高句麗故國原王百濟近肖古

不若緩之待其師老王然之閉門不出賊食

盡將退命康世率勁騎追擊走之

晉末和二年新羅訖解王三十八年高勾麗故國原王十七年百濟近肖古王二年春

百濟以真淨為朝廷佐平淨王后親戚狠戾

苛細恃勢自用國人疾之

晉末和十一年新羅訖解王四十六年高勾麗故國原王二十五年百濟近肖古王十年

春正月高勾麗立王子丘夫為太子○十二

月高勾麗王遣使于燕納質修貢請其母燕

王雋許之遣殿中將軍刀龕送周氏以王為

征東大將軍營州刺史封樂浪公王如故

晉永和十二年新羅訖王元高勾麗故國原土王四十六年白濟近十有古王夏四月新羅王訖解薨無嗣味鄒王弟末仇之子金柰勿立母曰休禮夫人金氏妃金氏亦味鄒王女也

權近曰金富軾謂取妻不取同姓以厚別也故魯公之取吳晉侯之四姬君子譏之若新羅則不止取同姓亦及於期功之親人道大悖矣但以不學不自知其為非惜哉

晉昇平元年新羅柰勿王二十二年高山麗故春國原王二十七年百濟近省王十一年

新羅柰勿王高勾麗故國原王二十二年

新羅拔使撫問鰥寡孤獨賜穀人三斛孝悌有異行者賜爵一級

晉哀帝興寧二年新羅奈勿王九年高句麗故國原王三十四年百濟近肖古王十九年

夏四月倭大舉侵新羅王懼造草偶人數千

持兵列吐舍山下伏勇士一千於斧峴東原

倭恃衆直進伏發擊其不意倭兵大敗走追

擊殺之幾盡

晉帝奕太和四年新羅奈勿王十四年高句麗故國原王三十九年百濟近肖古王二十

四年秋九月高句麗王帥步騎二萬伐百濟屯

于雉壤分兵侵掠百濟王遣太子帥兵徑至

雉壤急擊破之獲五千餘級分賜將士○冬

十一月百濟大閱於漢水南旗幟皆用黃

晉太和五年新羅奈勿王十五年高勾麗二十
國原王四十年百濟近肖古王二十五年

秦王猛伐燕破之大傳慕容評奔高勾麗王

執送於秦

晉文帝咸安元年新羅奈勿王十六年高勾
麗故國原王四十一年小獸林土元年百濟

近肖古王高勾麗侵百濟王使伏兵泚河上

俟其至急擊之麗兵敗北○冬十月百濟王

與太子帥精兵三萬侵高勾麗攻平壤城高

勾麗王劍力戰拒之中流矢薨太子丘夫立

新羅奈勿王高勾麗小獸林王百濟近肖古王

葬王于故國原○百濟移都漢山

晉咸安二年新羅奈勿王十七年高勾麗春
小獸林王二年百濟近肖古王二十七年

正月百濟遣使朝晉○夏六月秦王苻堅遣
使送浮屠順道及佛像神經于高勾麗王遣
使謝以其書教子弟高勾麗佛法始此○高
勾麗立大學教子弟

臣等按

高勾麗立國今四百餘年至是立

大學教子弟何建學立師之晚也今王建
學立師雖可與有為也然始奉胡僧順道
阿道創佛宇造佛像佛經為高勾麗佞佛

之始至子孫效尤其禍蔓延不可勝言雖
曰立學而無作成之效豈非好學之心不
及於好佛乎

晉孝武帝寧康元年新羅素勿王十八年高
句麗小獸林王三年百濟近肖古王二十八

年

春百濟禿山城主率三百人奔新羅王納

之分居六部百濟王移書曰兩國和好約為
兄弟今王納我叛民甚乖和親之意請還之
荅曰民無常心懷則來數則去固其常也王
不患民之不懷而責寡人乎百濟不復言○
高句麗始頒律令

新羅素勿王高句麗小獸林王百濟近肖古王

甲戌

乙亥

晉寧康二年新羅奈勿王十九年高勾麗秦
小獸林王四年百濟近肖古王二十年

僧阿道來高勾麗○百濟以高興為博士百

濟自開國未有文字至是始有書記

晉寧康三年新羅奈勿王二十年高勾麗小
獸林王五年百濟近肖古王三十年

年王元

春二月高勾麗創肖門寺伊弗蘭寺以置胡

僧順道阿道○秋七月高勾麗攻百濟北鄙

水谷城陷之王遣將拒之不克王又將大舉

兵報之以年荒不果

權近曰父母之讎不共戴天苟不復讎寢

苦枕戈無時而已焉者也百濟近肖古王
攻殺高句麗王釗其子丘夫繼位四五年
間惟以頒律令創佛寺為事未嘗奮發起
兵以復君父之讎及是年秋攻陷水谷蓋
庶幾於復讎矣惜不能必復而遽已也丘
夫與一時臣子皆可謂無志者矣前史乃
稱丘夫有雄略何哉

冬十一月百濟王近肖古薨太子近仇首立
先是高句麗侵百濟王遣太子近仇首拒之
至半乞壤將戰有斯紀者本百濟人誤寫國

馬蹄懼罪奔高勾麗至是來告太子曰彼兵
雖多其驍勇唯赤旗著先破之其餘不攻自
潰太子從之進擊大敗之追奔至水谷城西
北將軍莫古解諫曰知足不辱知止不殆今
所得多矣何必求多太子善之積石為識而

還

子月

丑丁

晉大元元年新羅奈勿王二十一年高勾秋
麗小獸林王六年百濟近仇首王二年

新羅有年○冬十一月高勾麗侵百濟北鄙

晉大元二年新羅奈勿王二十二年高勾冬
麗小獸林王七年百濟近仇首王三年

百濟王將兵三萬侵高勾麗平壤城○十一

賞茂

辛巳

平

月高勾麗伐百濟○高勾麗遣使朝秦

晉大元三年新羅奈勿王二十三年高勾麗小獸林王八年百濟近仇首王四年秋

九月契丹犯高勾麗北邊陷八部落

晉大元六年新羅奈勿王二十六年高勾麗小獸林王十一年百濟近仇首王七年新

羅遣衛頭如秦貢方物苻堅問衛頭曰卿言

海東之事與古不同何耶對曰時代變革名

號改易中國亦然今焉得同

晉大元七年新羅奈勿王二十七年高勾麗小獸林王十二年百濟近仇首王八年百

濟自春不雨至六月民飢至有鬻子者王出

穀贖之

新羅奈勿王高勾麗小獸林王百濟近仇首王

晉大元九年新羅奈勿王二十年高句麗小數林王十四年故國壤王元年百濟近仇首王十年枕流立夏四月百濟王近仇首薨元子

流主元年秋七月百濟遣使朝晉○九月胡

僧摩羅難陀自晉至百濟王迎致宮內禮敬

焉百濟佛法始此○冬十一月高句麗王丘

夫薨無嗣母弟伊連立葬王于小獸林

晉大元十年新羅奈勿王三十年高句麗國壤王二年百濟枕流王二年辰斯王元年

春二月百濟創佛寺於漢山度僧十人○夏

六月高句麗王出兵四萬襲遼東先是燕王

垂命帶方王佐鎮龍城佐聞高句麗襲遼東

遣司馬郝景將兵救之麗軍擊敗之遂陷遼東玄菟虜男女一萬口而還冬十月燕慕容農將兵侵高勾麗復遼東玄菟二郡初幽冀流民多投高勾麗農以范陽龐淵為遼東太守招撫之○百濟王枕流薨太子阿莘幼王弟辰斯立

權近曰枕流初政迎入胡僧宮中禮敬且創佛寺以度僧足欲徼福享年也魯不喻年而遂死佛果是信乎

晉大元十一年新羅奈勾王三十一年高春
勾麗故國壤王三年百濟辰斯王三年

新羅奈勾王高勾麗故國壤王百濟辰斯王

寅庚

丑巳

亥

正月高勾麗王立于談德為太子○百濟發

國內人年十五已上設關防自青木嶺北距

八坤城西至于海○秋八月高勾麗王發兵

伐百濟

晉太元十二年新羅奈勿王三十二年高春
勾麗故國壤王四年百濟辰斯王三年

正月百濟以真嘉謨為達率豆知為恩率

晉大元十四年新羅奈勿王三十四年高秋
勾麗故國壤王六年百濟辰斯王五年

九月百濟遣兵侵高勾麗南鄙

晉大元十五年新羅奈勿王三十五年高秋
勾麗故國壤王七年百濟辰斯王六年

九月百濟王命達率真嘉謨伐高勾麗拔都

坤城虜二百人王嘉謨為兵官佐平○冬十

月百濟王獵於狗原七日乃返

晉大元十六年新羅奈勿王三十七年高春
勾麗故國壤王八年百濟辰斯王七年

正月百濟修宮室穿池造山植異卉養奇禽

○夏四月靺鞨攻陷百濟北鄙赤縣城○秋

七月百濟王獵國西大島八月又獵橫岳西

晉大元十七年新羅奈勿王三十七年高勾
麗故國壤王九年廣開土王元年百濟辰斯

王八年阿春正月高勾麗遣使聘新羅新羅

遣質子實聖于高勾麗○三月高勾麗王下

教崇佛求福又命有司立國社修宗廟○高

新羅奈勿王高勾麗故國壤王百濟辰斯王

勾麗王伊連薨太子談德立葬王于故國壤
○秋七月高勾麗王帥兵四萬攻百濟北鄙
陷石峴等十餘城王聞高勾麗王能用兵不
敢出拒漢水北諸部落多沒焉○九月高勾
麗伐契丹虜男女五百口又招諭本國陷沒
民口一萬而歸○冬十月高勾麗攻陷百濟
開彌城其城四面峭絕海水環繞王分軍七
道攻之二十日乃拔

權近曰昔晉襄公墨衰即戎以敗秦師春
秋譏之高勾麗王伊連薨未踰三月其子

談德親率兵伐百濟敗之其忘哀而不忌也甚矣夫有門庭之寇而宗廟社稷之存亡繫焉不得已而從金革之事可也今百濟之兵未有加於麗境談德方在表經之中乃敢舍已之喪遽然興師以伐人國是有人子哀痛之心者哉或曰麗與百濟世讎也辰斯於伊連三十三年來侵南鄙明年又伐取都坤城伊連不能報三年而薨談德嗣立不數月間能用兵致伐以雪其恥是為顯親非不忌也曰敵惠敵怨不在

後嗣丘夫不復於近肖古固可罪也談德
與辰斯已在再世之後豈可復報之乎初
枕流薨辰斯初立伊連不恤遽伐其喪惡
矣辰斯隱忍不即報必待三年喪畢然後
來伐南鄙是直在濟而曲在麗故辰斯再
勝而伊連不得報是亦服罪焉耳談德於
此懲忿窒慾釋怨修好以彰先君悔過息
爭之義則其為顯親益以大矣不顧義理
是非唯以報復為事亂何由息哉

百濟王田於狗原經旬不返○十一月百濟

王辰斯薨於狗原行宮枕流王之子阿莘立

晉大元十八年新羅奈勿王三十八年高春
勾麗廣開土王二年百濟阿莘王二年

百濟以真武為左將委以兵馬事武王之親

舅沈毅有大略時人服之○夏五月倭人來

圍新羅金城五日不解將士皆請出戰王曰

今賊棄舟深入在於死地鋒不可當閉門固

守賊乃退王先遣勇騎二百要其歸路又遣

步卒一千追於獨山夾擊大敗之殺獲甚衆

○秋八月百濟王謂真武曰關彌城北鄙之

要地今為高勾麗所有予甚痛憤卿其為我

新羅奈勿王高勾麗廣開土王百濟阿莘王

甲午

壤城

一雪遂命武將兵一萬伐高勾麗圍關彌城
麗人嬰城固守武親冒矢石身先士卒城垂
拔以糧道不繼引還○高勾麗創九寺於平

二月百濟立元子腆支

一名映

為太子○秋七

月百濟侵高勾麗王率精騎五千逆擊於水

谷城下敗之○八月高勾麗築國南七城以

備百濟

晉大元二十一年新羅奈勿王四十年高秋百
勾麗廣開王四年百濟阿莘王四年

濟遣左將真武等伐高句麗王率兵七千陣
於湨水拒戰百濟軍大敗死者八千人冬十
一月百濟王欲雪湨水之恥率兵七千人過
漢水次於青木嶺下會大雪士卒多凍死回
軍至漢山城勞軍士

晉安帝隆安元年新羅奈勿王四十二年夏
高句麗廣開土王六年百濟阿莘王六年夏

五月百濟與倭結好遣太子腆支為質

權近曰世子君之儲副其重係乎宗社不
可以輕出者也古者諸侯朝於天子有時
而不可後故老病者使世子攝已事以行

新羅奈勿王高句麗廣開土王百濟阿莘王

急送職也諸侯相朝本無時未有使世子
攝行之禮故曹伯使世子射姑來朝於魯
君子譏之以為取危亂之本也朝且不可
況出質乎漢唐以降外夷君長或遣世子
入侍是以小事大以夷慕華禮亦然矣若
百濟王以世子映出質于倭則是輕其國
本而棄之非類之地也苟能修德行政強
於自治輯和其民人慎固其封守遣使修
聘以通隣好倭人雖暴何畏焉乃不能然
以千里畏人汲汲焉欲結其好出質世嫡

虞若小夷之事中國而不知恥焉衰微甚矣何以為國乎及其薨也三弟相戕國遂危亂微解忠獻謀國人殺磔禮則映之復國必不可得矣此可以為永世之戒矣

秋百濟大閱漢水南

晉隆安二年新羅奈勿王四十二年高句麗廣開土王七年百濟阿莘王七年春二

月百濟以真武為兵官佐平沙豆為左將○

秋八月百濟王伐高句麗出師至漢山北柵

夜有大星落營中王深惡之乃還師○九月

百濟聚都人習射於西臺

新羅寶聖王高句麗廣開土王百濟阿莘王

晉隆安三年新羅奈勿王三十四年高秋八月百濟王欲侵高句麗大徵兵馬民甚苦之多奔新羅

晉隆安四年新羅奈勿王四十五年高春正勾麗廣開土王九年百濟阿莘王九年

月高句麗遣使朝燕二月燕王盛以高句麗

王禮慢自將兵三萬襲之以驃騎大將軍慕

容熙為前鋒拔新城南蘇二城拓地七百餘

里徙五千餘戶而還

晉隆安五年新羅奈勿王四十六年高秋七月新羅質子實聖還自高句麗

月新羅質子實聖還自高句麗

晉元興元年新羅奈秀王十四年實聖王元年高句麗廣開土王十一年百濟阿莘王

十一年春二月新羅王奈勿薨嗣子幼弱國人

奉實聖而立之實聖金闕智裔孫伊飡大西

知之子也○三月新羅遣末斯欣質于倭王

常恨奈勿王質已於高句麗思欲釋憾於其

子而遣之○高句麗侵燕平州刺史慕容歸

棄城走

晉元興二年新羅實聖王二年高句麗廣開土王十二年百濟阿莘王十二年春正

月新羅以末斯品為舒弗邯委以軍國事

晉元興三年新羅實聖王三年高句麗廣開土王十三年百濟阿莘王十三年冬十

新羅實聖王高句麗廣開土王百濟阿莘王

一月高勾麗侵燕

晉義熙元年新羅實聖王四十年高勾麗實開
王十四年百濟阿莘王十四年腆支王元年

年春正月燕王熙來攻高勾麗遼東城且陷
命將士毋得先登俟剋平其城朕與皇后乘
輦而入由是城中得嚴備卒不克而還○三
月百濟白氣自王宮西起如匹練○秋九月
百濟王阿莘薨太子腆支質倭國不還太子
仲弟訓解攝國政以待太子之還季弟磔禮
殺訓解自立為王腆支聞王訃痛哭請歸倭
主以兵百人衛送腆支既至國界漢城人解

忠迎謂曰大王棄世磔禮殺兄自立願太子
早為之計腆支以倭兵自衛依海島備之國
人殺磔禮迎立為王

晉義熙二年新羅實聖王五年高句麗
廣開土王十五年百濟腆支王二年冬十

二月燕王熙襲契丹至陁北畏契丹之衆欲

還遂棄輜重輕兵襲高句麗燕軍行三千餘

里士馬疲凍死者屬路攻木底城不克而還

晉義熙一年新羅實聖王六年高句麗
廣開土王十六年百濟腆支王三年春二

月百濟以餘信為內臣佐平解須為內法佐

平解丘為兵官佐平皆王戚也○夏四月駕

新羅實聖王高句麗廣開土王百濟腆支王

洛國王何尸品率子坐知立坐知得傭女而
嬖之又寵任女黨國大亂新羅謀伐之其臣
朴元道諫之又卜士為坐知筮之得解卦其
辭曰解而拇朋至斯孚坐知謝之擯女子荷
山島

晉義熙四年新羅實聖王七年高句麗
廣開土王十七年百濟腆支王四年春正

月百濟以餘信為上佐平委以軍國政事上
佐平之職始於此○二月新羅王聞倭人置
營於對馬島陳兵儲糧謀將襲之欲先其未
發擊破之舒弗邱夫斯品曰臣聞兵凶器戰

免事況涉巨浸以伐人脫或失利悔不可追
不若修食設關來則禦之使不得侵掠伺其
便出擊之此所謂致人而不致於人策之上
也王從之○三月高勾麗遣使北燕且叙宗
族北燕王雲遣侍御史李拔報之雲祖父高
和本高勾麗之支庶也仕燕自謂高陽氏之
苗裔以高為氏焉雲深沉有局量厚重希言
時人咸以為愚唯馮跋奇而友之慕容寶之
為太子也雲以武藝給事東宮拜侍御郎襲
慕容容會軍寶子之賜姓慕容氏封夕陽公

燕王熙之葬苻氏也跋詣雲謀立之雲懼曰
吾嬰疾歷年卿等所知更圖之跋逼曰慕容
世表河間暴虐逆亂天常百姓思亂此天亡
之時公本高氏名家何能為他養子機運難
搖千載一時公焉得辭扶之而出雲曰卿今
興建大事累見推逼所以徘徊非為身也實
惟不德不足以濟黎元耳跋等強之雲即天
王位復姓高氏改元正始立妻李氏為天王
后子彭為太子

晉義熙五年新羅實聖王八年高句麗
夏四
廣開王十八年百濟腆支王五年

月高勾麗王立子巨璉為太子○秋七月高
勾麗築國東克山等六城移平壤民戶

晉義熙八年新羅實聖王十一年高勾麗高
廣開土王二十一年百濟腆支二八年

勾麗請質于新羅王遣卜好為質卜好未斯
欣之兄也王既質未斯欣於倭憾猶未釋復
以卜好質於高勾麗

晉義熙九年新羅實聖王十二年高勾麗廣
開土王二十二年長壽王元年百濟腆支三

九年冬十月高勾麗王談德薨號曰廣開土王

太子巨璉立○高勾麗遣長史高翼如晉奉

表獻赭白馬帝封王為高勾麗王樂浪郡公

新羅聖王高勾麗廣開土王百濟腆支王

晉義熙十二年新羅實聖王十五年訥夏王祇麗長壽王四年百濟腆支王十二年

月新羅吐含山崩水湧高三丈○晉遣使冊

百濟王為使持節都督百濟諸軍事鎮東將

軍百濟王

晉義熙十三年新羅實聖王十六年訥越三年元年高句麗長壽王五年百濟腆支王十三

年夏五月新羅訥祗弒其君實聖自立彌麻

立于訥祗奈勿王子也初奈勿王以實聖質

於高句麗實聖怨之及為王欲害其子以報

之密遣人招麗人之素相善者殺訥祗今訥

祗往逆麗人見訥祗奇之告曰爾王使我害

君今見君其忍害諸乃歸訥祇怨王弑之○
秋七月百濟徵東北二部人年十五已上築
沙口城使兵官佐平解丘督其役

晉義熙十四年新羅訥祇王二年高勾麗長壽王六年百濟腆支王十四年春新

羅遣軟良州干朴堤上如高勾麗堤上與王

弟卜好自高勾麗來初王即位思見未斯欣

卜好求得辯士往說之聞堤上勇而謀可以

濟事召問曰吾二弟久質倭麗何術以生還

堤上曰臣聞主憂臣辱主辱臣死論難易而

後行謂之不忠圖死生而後動謂之無勇臣

雖無狀請行遂聘高勾麗語王曰臣聞交隣
之道誠信而已若交質子則不及五霸誠未
世之事也今寡君之愛弟卜好在此殆將十
年寡君以鵲鳩在原之意永懷不已若大王
惠然歸之則若九牛落一毛無所損也而寡
君之德大王可量也哉高勾麗王然之許與
堤上同歸堤上婆婆王五世孫也○秋新羅
朴堤上如倭死之王弟未斯欣自倭來初卜
好既還王語堤上曰我念二弟如左右臂今
只得一臂乃何堤上曰臣雖駑才既以身許

國有何敢辭然高勾麗大國王亦賢臣得以
一言悟之若於倭當以謀給不可以口舌諭
臣若得罪而逃者及臣既行請因臣家屬乃
以死自誓不見妻子抵栗浦已解纜其妻追
至大哭堤上曰我已將命自分必死遂入倭
國若叛者倭主疑之先是百濟人入倭國給
言新羅與高勾麗將謀伐倭主遂遣兵邏戍
會高勾麗侵新羅并其邏卒殺之倭主以百
濟人言為實及聞新羅王因未斯欣堤上家
屬謂堤上實叛者於是出師將襲新羅仍以

堤上未斯欣為鄉道行至海島諸將密議滅
新羅執堤上未斯欣妻孥以還堤上知之與
未斯欣曰乘舟若遊玩然倭人不疑堤上勸
未斯欣潛還未斯欣曰豈忍捨君而獨行堤
上曰若能救公之命而慰大王之情則是矣
安敢愛生未斯欣泣辭遁還堤上獨寢舟中
晏起以俟未斯欣遠行倭人訶知未斯欣之
亡縛堤上追之會煙霧晦冥不及倭主怒囚
堤上鞠之曰汝何竊遣未斯欣邪堤上曰臣
是鷄林之臣欲成吾君之志耳倭主怒曰今

汝已為我臣而稱鷄林之臣則必具五刑若
稱倭國之臣者必賞以重祿堤上曰寧為鷄
林之犬豕不為倭國之臣子寧受鷄林之箠
楚不受倭國之爵祿倭主怒剝堤上腳刈簪
葭使趨其上問曰汝何國臣曰鷄林之臣又
使立於熱鐵上問何國之臣曰鷄林之臣也
倭主知不可屈乃燒殺木島中王聞之哀慟
贈堤上大阿食厚賜其家使未斯欣娶其弟
二女未斯欣之來王命六部郊迎及見握手
相泣置酒極娛作憂息曲慰之後堤上妻卒

二女上鷄述嶺望倭國痛哭而死仍為鷄述
神母今有祠

臣等按士生天地間所甚重者身也又有
重於身者曰忠義志節而已蓋先忠義而
後其身重志節而輕其身惟天下烈士夫
能之今於朴堤上見之堤上良州一古
耳王未嘗尊位重祿圖議國政堤上亦未
有食君之粟任君之事則無死君之義也
王聞人之薦而舉之遽屬大事而使強鄰
其為計危且殆矣堤上聞命忠憤慷慨之

心自激於中當西使高勾麗也出萬死之
力掉三寸之舌從容立談之間麗主感悟
乃還質子功不細矣及東使日邦也吾計
得行質子既還自分必死寄命虎狼之口
而不辭其忠肝義膽強毅果敢之氣屹如
山岳孰得而撼搖哉及倭主備諸酷刑千
剗萬苦愈剛愈勁曾不小屈甘心就死豈
非所謂先忠義重志節天下之烈丈夫乎
嗚呼荆軻聶政以匹夫之勇行盜賊之謀
然輕生忘死自快於心後世猶稱之况忘

庚申

辛酉

癸亥

甲子

身徇國視死如歸如堤上者豈易得哉

宋高祖永初元年新羅訥祗王四年高勾麗長壽王八年百濟腆支王十八年久余辛王

元春三月百濟王腆支薨長子久余辛立

宋永初二年新羅訥祗王五年高勾麗長壽王九年百濟父余辛王二年夏五月

駕洛國王坐知辛子吹希立

宋少帝景平元年新羅訥祗王七年高勾麗長壽王十一年百濟父余辛王四年夏

四月新羅王養老於南堂親執食賜穀帛有

差

宋文帝元嘉元年年新羅訥祗王八年高勾麗長壽王十二年百濟父余辛王五年春

二月新羅遣使高勾麗修聘王勞慰特厚○

丁卯

巳巳

庚午

秋九月高勾麗大有年王宴羣臣

宋元嘉四年新羅訥祗王十一年高勾麗長壽王十五年百濟父余辛王八年毗有王元

年冬十二月百濟王父余辛薨長子毗有立

○高勾麗移都平壤

宋元嘉六年新羅訥祗王十三年高勾麗長壽王十七年百濟毗有王三年秋百

濟遣使宋朝○冬十月百濟上佐平餘信率

以解須代之

宋元嘉七年新羅訥祗王十四年高勾麗長壽王十八年百濟毗有王四年夏四

月宋以百濟復修職貢遣使冊授前王腆文

爵號

新羅訥祗二高勾麗長壽王百濟毗有王

宋元嘉十年新羅訥祗王十七年高勾夏五
麗長壽王二十一年百濟毗有王七年

月新羅王弟末斯欣率贈舒弗邯○秋七月

百濟遣使新羅請和從之

宋元嘉十一年新羅訥祗王十八年高勾春
麗長壽王二十一年百濟毗有王八年

二月百濟遣使送良馬二匹于新羅○秋九

月百濟送白鷹于新羅○冬十月新羅王以

黃金明珠輶聘于百濟

宋元嘉十二年新羅訥祗王十九年高勾春
麗長壽王二十三年百濟毗有王九年

二月新羅修葺歷代園陵○夏六月高勾麗

王遣使朝魏且請國諱世祖嘉其誠款使錄

丙子

帝系及諱以與之遣負外散騎侍郎李敖拜
王為都督遼東諸軍事征東將軍領護東夷
中郎將遼東郡開國公高勾麗王王遣使謝
恩○燕王馮弘遣使乞投于高勾麗初魏人
數伐燕燕日危蹙弘曰若事急且東依高勾
麗以圖後舉至是密遣尚書陽伊請迎

宋元嘉十三年新羅訥王二十年高勾麗
麗長壽王二十四年百濟毗有王十年燕

王遣使入貢于魏請送侍子魏主不許將討
之遣使諭高勾麗○魏攻燕白狼城克之高
勾麗王遣將葛盧孟光將兵數萬隨陽伊至

新羅訥王高勾麗長壽王百濟毗有三

和龍迎燕王弘葛盧孟光入城命軍脫弊褐
取燕武庫精伏以給之大掠城中五月燕王
率龍城三戶東徙焚宮殿火一旬不滅令婦
人被甲居中陽伊等勒精兵居外葛盧孟光
帥騎殿後方軌而進前後八十餘里魏主聞
之遣散騎常侍封撥來令送燕王高勾麗王
遣使入魏奉表稱當與馮弘俱奉王化魏主
以王違議詔擊之將茲隴右騎率劉絜及樂
平王丕等諫乃止

宋元嘉十四年
新羅訥祗王二十一年
高勾麗長壽王二十五年
百濟毗有王十一年

春二月高句麗遣使朝魏

庚戌

宋元嘉十五年新羅訪抵王二十二年高句麗長壽王二十二年百濟毗有王二十二年

春二月高句麗殺燕王弘初弘至遼東王遣使勞之曰龍城王馮君爰適野次士馬勞乎弘慙怒稱制讓之王處之平郭尋徙北豐弘素侮高句麗政刑賞罰如在其國王乃奪其侍人取其太子王仁為質弘怨之遣使如宋上表求迎宋太祖遣王白駒等迎之并令高句麗資送王不欲弘南往遣將孫漱高仇等殺弘于北豐并其子孫十餘人白駒以所領

新羅訪抵王二十二年高句麗長壽王二十二年百濟毗有王二十二年

七千餘兵掩討殺仇擒漱王以白駒等車殺
執送之太祖不欲違其意下白駒等獄已而
系之○夏新羅教民牛車之法

宋元嘉二十一年新羅訥祇王二十八年高
句麗長壽王三十二年百濟毗有王十八年

夏四月倭寇新羅圍金城十日糧盡乃歸王
欲出兵追之左右曰兵法窮寇勿追王其舍
之不聽率數千騎追至獨山東合戰為賊所
敗將士死者過半王蒼黃棄馬登山賊圍王
數重忽昏霧不辨咫尺賊謂有陰助收兵乃
退

宋元嘉二十七年新羅訥祗王三十四年高
勾麗長壽王三十八年百濟毗有王二十四

年秋七月高勾麗邊將獵於悉直原新羅何

瑟羅城主三直出兵掩殺之高勾麗王怒使

告曰孤與大王修好已久今殺我邊將是何

義耶乃興師侵新羅西邊王卑辭謝之乃歸

宋元嘉二十八年新羅訥祗王三十五年高
勾麗長壽王三十九年百濟毗有王二十五

年春二月駕洛國王吹希率子鉅知亡

宋孝武帝孝建二年新羅訥祗王三十八年
高勾麗長壽王四十二年百濟毗有王二十一

九年蓋鹵秋百濟王毗有薨長子慶司立後

改餘慶是為蓋鹵王○冬十月高勾麗侵百

新羅訥祗王高勾麗長壽王百濟毗有王

戊戌

己亥

辛丑

濟新羅王遣兵救之○高勾麗遣使朝宋

宋大明二年新羅訥祗王四十二年慈悲王元年高勾麗長壽王四十六年百濟蓋鹵王

四年春二月新羅地震金城南門毀○秋八月

新羅王訥祗薨長子慈悲立

宋大明三年新羅慈悲王二年高勾麗長壽王四十七年百濟蓋鹵王五年夏五

月倭以兵船百餘艘襲新羅東邊進圍月城

四面矢石如雨王固守賊將退出兵擊敗之

追至海口賊溺死者過半

宋大明五年新羅慈悲王四年高勾麗長壽王四十九年百濟蓋鹵王七年春二

月新羅王納舒弗耶末斯欣女為妃

權近曰按大婚重禮也合二姓之好為宗
廟社稷主是不可以不謹也故禮不嫌同
姓雖至百世婚姻不通所以附遠厚別以
謹男女之際也慈悲王納其季父未斯欣
之女為妃其無人道甚矣夫王與妃同其
祖矣以奉宗廟之祀神其享之乎神不享
則祚必不長矣傳曰男女同姓其生不繁
慈悲生智炤智炤遂絕嗣可不戒哉

宋大明七年新羅慈悲王六年高句麗
長壽王五十一年百濟蓋鹵王九年春二

月倭侵新羅軟良城不克而去王命代智德

新羅慈悲王高句麗長壽王百濟蓋鹵王

智伏兵於歸路要擊大敗之王以倭屢侵疆
場築沿邊二城○秋宋策高勾麗王為車騎
大將軍開府儀同三司

宋明帝泰始二年新羅慈悲王九年高勾麗長壽王五十四年百濟蓋鹵王十一年春

三月高勾麗遣使朝魏魏文明太后以帝六
宮未備教王令薦其女王奉表云女已出嫁
請以弟女應之許焉乃遣安樂王真尚書李
敷等至境送幣或有說王者曰魏晉與燕婚
姻既而伐之由行人具知夷險故也殷鑑不
遠宜以計辭之王遂上書稱弟女死魏疑其

平王

高句麗

詐又遣假散騎常侍程駿切責之若審死者
聽更選宗淑王欲奉詔會帝崩乃止

宋秦始五十年新羅慈悲王十五年高句麗春
長壽王五十七年百濟蓋鹵王十五年

正月新羅定京都坊名

宋秦豫元年新羅慈悲王十五年高句麗春二
長壽王六十年百濟蓋鹵王十八年

月高句麗遣使朝魏秋七月又遣使朝貢自


此貢獻倍前其報賜亦加焉○百濟王遣使


朝魏上表曰臣立國東極豺狼隔路雖世承

靈化莫由奉藩瞻望雲闕馳情罔極謹遣私

署冠軍將軍駙馬都尉弗斯侯長史餘禮龍

新羅慈悲王高句麗長壽王百濟蓋鹵王





采元徽三年新羅慈悲王十八年高句麗長壽王六卜三年百濟蓋鹵王二十一年文月

壬元春正月新羅王移居明活城○秋九月

高句麗王巨璉自將攻百濟殺其王餘慶初

高句麗王陰求可以間百濟者浮屠道琳應

募曰臣雖無能思有以報國願大王指使之

王悅密遣之琳偽得罪亡入百濟時百濟王

好博奕琳詣王門告曰臣少而學碁頗入妙

王召與碁果國手遂尊為上客甚昵之恨相

見之晚琳一日侍坐從容言臣異國人上不

踈外恩私甚渥未有分毫之益願獻一言王

曰第言之琳曰大王之國四面山河天設之險四隣莫敢覬覦奉事之不暇王當以崇高之勢富有之業竦人之視聽而城郭不葺宮室不修先王骸骨權擯露地百姓屋廬屢毀河流巨竊為大王不取也王曰諾盡發國人烝土築城又起宮室樓閣臺榭無不壯麗取大石於郁里河作擲以葬父骨緣河樹堰自蛇城東至崇山之北由是倉庾虛竭人民窮曰國勢甚危琳逃還以告高勾麗王王喜將伐之濟王聞麗王來伐謂子文周曰子愚而

不明信用姦人之言以至於此民殘而兵弱

誰肯為我力戰吾當死於社稷汝在此俱死

無益也盍避亂以存宗祀文周乃與木易滿

致祖彌桀取

木易祖彌皆復姓

南行焉至是麗王率

兵三萬圍百濟漢城王閉城門不出戰高句

麗分兵四道夾攻對盧齊于冉曹桀婁古尔

萬年等

冉曹古尔皆復姓

攻北城七日拔之移攻南

城乘風縱火焚燒城門城中危急或有欲出

降者王窘不知所圖以數十騎出城西走桀

婁等追之王下馬拜桀婁向面三唾之乃數

其罪縛送於阿且城下害之虜男女八千而歸桀婁萬年本百濟人獲罪逃入高句麗至是為鄉導

金富軾曰楚明王之亡也鄭公辛之弟懷將弑明王曰平王殺吾父我殺其子不亦可乎辛曰君討臣誰敢讎之君命天也若死天命將誰讎桀婁等自以罪不見容於國而導敵兵縛前君而害之其不義也甚矣曰然則伍子胥之入郢鞭尸何也曰揚子法言評此以為不由德所謂德者仁與

義而己矣則子胥之狠不如鄭公之仁以此論之桀婁等之為不義也明矣

臣等按

昔蘇秦說齊王高宮室大園囿欲

以弊齊而為燕張儀為秦相魏而誘魏事秦縱橫之徒反覆狙詐人誰不知者乃何齊魏之君墮於術中迷而不悟乎蓋人主必有可乘之釁然後人得以窺其隙而敵亦間之齊魏之為儀秦所間者莫非自取也蓋鹵喜一區區小技迷心惑志遂為敵國所餌為老髡所弄如傀儡在技人之手

惟其所使使之高宮室飾臺榭則從之使之造石擲築河堰則從之倉庾既罄民力既悴卒之國事已去敵兵奄至雖欲噬臍及乎身死敵鋒貽笑後世是誰之愆耶

百濟王子文周即位初文周求救於新羅得兵一萬比還城破王死麗兵已退遂即位性

柔少斷然亦愛民○冬十月百濟移都熊津

宋元徽四年新羅慈悲王十九年高句麗長壽王六十四年百濟文周王二年夏四

月耽羅國獻方物于百濟王喜拜使者為恩率耽羅在南海中古初無人物有三神人從

新羅慈悲王高句麗長壽王百濟三年三

地湧出長曰良乙那次曰高乙那三曰夫乙
那一曰三人出獵海濱得石函開之有三女
及諸駒犢五穀種遂分娶三女各就泉甘土
肥處卜居焉良乙那居曰第一都高乙那居
曰第二都夫乙那居曰第三都始播五穀且
牧駒犢曰就富庶耽羅或稱耽牟羅○六月
倭侵新羅東邊王命將軍德智擊敗之殺虜
二百餘人○秋八月百濟以解仇為兵官佐
平

宋順帝昇明元年新羅慈悲王二十年高句
麗長壽王六十五年百濟文周王三年三片

年王元夏四月百濟王立長子三斤為太子○
百濟解仇弒其君文周太子三斤立年十三
軍國政事一委解仇初解仇擅權亂法畜無
君之心王不能制至是王出獵宿於外解仇
使盜弒之

宋昇明二年新羅慈悲王二十一年高句麗長壽王六十六年百濟三斤王二年

百濟解仇伏誅解仇與恩率燕信聚眾據大
豆城叛王命佐平真男以兵二千討之不克
更命德率真老帥精兵五百誅解仇燕信奔
高句麗收其妻子斬於熊津市

新羅昭智王高句麗長壽三年百濟東國王

金富軾曰春秋之法君弑而賊不討則深責之以為無臣子也解仇賊弑其君其子三斤繼立非徒不能誅之又委之以國政至於據一城以叛然後再興大兵以克之所謂履霜不戒馴致堅冰熒熒不滅至于炎炎其所由來漸矣

權近曰解仇賊弑其君專擅國政據城以叛三斤以童稚之年乃能再命良將聲罪致討以復君父之讎有足多者矣

新羅有人家甚貧衣百結若懸鶉時人因號

為百結先生慕榮啓期之為人常以琴自隨
凡喜怒哀悲歡不平之事必於琴宣之歲將暮
隣里春栗其妻聞杵聲曰人皆有栗可春我
獨無何以卒歲先生仰天嘆曰夫死生有命
富貴在天其來也不可拒其往也不可追汝
何傷乎乃鼓琴作杵聲以慰之世傳為碓樂
宋昇明三年齊高帝建元元年新羅慈悲王
二十二年炤智王元年高句麗長壽王六十一
七年百濟三斤王春二月新羅王慈悲薨長
二年東城王元年子炤智立大赦賜百官爵一級○冬十一月
百濟王三斤薨文周王弟昆支之子牟大立

庚申

齊建元二年新羅炤智王二年高勾麗夏四
長壽王六十八年百濟東城王二年

月齊策高勾麗王為驃騎大將軍王遣餘奴

等報謝魏光州人於海中得餘奴等以獻魏

高祖詔責王曰道成弑君竊位朕方欲興滅

國於舊邦繼絕世於劉氏而卿外交篡賊豈

藩臣守節之義然不以一過掩卿舊款即送

還之卿其祗承明憲輯寧所部動靜以聞

齊建元三年新羅炤智王三年高勾麗春三
長壽王六十九年百濟東城王三年

月高勾麗與靺鞨入新羅北邊取孤鳴等七

城又進軍於彌秩夫新羅軍與百濟加耶援

壬戌

甲子

兵分道擊之高勾麗靺鞨兵退追擊之破於泥河西斬首千餘級○高勾麗遣使朝齊

齊建元四年新羅炤智王四年高勾麗長壽王七十年百濟東城王四年春正月

百濟以真老為兵官佐平蕪知內外兵馬事

齊武帝永明二年新羅炤智王六年高勾麗長壽王七十二年百濟東城王六年春

二月百濟王聞齊策高勾麗王為驃騎大將

軍遣使上表請內屬許之○秋七月高勾麗

侵新羅北邊新羅軍與百濟合擊於毋山城

下大破之○百濟遣內法佐平沙若思朝齊

若思至西海中遇高勾麗兵不達而還○冬

新羅與百濟高勾麗長壽王百濟東城王

五二

寅丙

卯丁

辰戊

十月高句麗遣使朝魏時魏以高句麗方強

置諸國使邸齊第一高句麗次之

齊永明三年新羅炤智王七年高句麗夏四
長壽王七十三年百濟東城王七年

月新羅王祀始祖廟增置守廟二十家

齊永明四年新羅炤智王八年高句麗春二
長壽王七十四年百濟東城王八年

月百濟以為加為衛士佐平

齊永明五年新羅炤智王九年高句麗春三
長壽王七十五年百濟東城王九年

月新羅始置四方郵驛命有司修官道

齊永明六年新羅炤智王十年高句麗春正
長壽王七十六年百濟東城王十年

月十五日新羅王幸天泉亭有鳥銜書來鳴

得其書書外面云開見二人死不開一人死
王曰與其二人死孰若一人日官奏云一人
者王也王開視之書曰射琴匣王入宮射之
果有人乃內殿焚修僧與王妃潛通者也妃
與僧皆伏誅自是國俗每歲是日以糲飯祭
鳥又以龍能與兩馬能服勞有功于人猪鼠
耗穀有害於人每於歲首辰午亥子日設祭
以祈禳因禁百事相與遊樂謂之慎日○新
羅王移居月城○二月新羅王率一善郡存
問鰥寡孤獨賜穀有差○秋魏遣兵伐百濟

敗績

齊末明七年新羅昭智王十一年高句麗春

正月新羅驅游食人歸農○秋百濟大有年

○九月高句麗襲新羅北邊至戈峴陷孤山
城○百濟王宴羣臣於南堂

東國通鑑卷之四

東國通鑑卷之四

